

56 arar beiðni með tilvísun til 26. gr. laga nr. 46, 27. júní 1921, og misserislega
11. sept. innheimtu hjá framfærslusveit telur hann óheimila og meðlagið fyrst gjaldkræft hjá henni er eins árs meðlag er fallið í gjalddaga. Með brjefi dags. 28. f. m. óskið þjer nú úrskurðar ráðuneytisins um það, hvort þessi skilningur sýslumannsins er rjettur.

Í tilefni af þessu skal þetta tekið fram. Áður en nefnd lög nr. 46, 27. júní 1921 öðluðust gildi var gjalddagi meðlags barnsföður eftir á fyrir hvert umliðið ár, og í samræmi við það hafði barnsmóðir aðgang að dvalarsveit sinni fyrir meðlaginu að árinu liðnu og aðeins fyrir síðasta ársmeðlagi. Með 24. gr. nefndra laga er hinni eldri reglu breytt þannig, að meðlag með óskilgetnu barni skal gjalda fyrirfram fyrir hálf t ár í senn, en í 26. gr. sömu laga segir, að barnsmóðir hafi ekki heimild til að krefjast greiðslu fúlgunnar af dvalarsveit sinni nema fyrir eitt ár, en það virðist vera svo að skilja, að barnsmóðir hafi ekki aðgang að sveitinni fyrir meðlaginu fyr en ársfúlga er fallin í gjalddaga. Aðstaða barnsmóður er því þessi: hún getur krafist greiðslu meðlagsins af barnsföður misserislega fyrirfram samkvæmt 24. gr. laganna, en af sveitinni, samkvæmt 26. gr., aðeins ársfúlguna í einu að fyrri misseri meðlagsársins liðnu. Synjun sýslumannsins um innheimtuna nú þegar er því á rökum byggð.

Þetta er yður hjermeð til vitundar gefið til leiðbeiningar.

Meðlagsúrskurðurinn fylgir.

57 **Brjef dóms- og kirkjumálaráðuneytisins til sýslumannsins**
13. sept. **í Norður-Múlasýslu, um flutning þingstaðar.**

Samkvæmt tillögum yðar, herra sýslumaður, í brjefi dagsettu 23. f. m., og beiðni hneppsnefndarinnar í Fellahreppi, veitir ráðuneytið hjermeð samþykki sitt til þess, að þingstaður umgetins hrepps sje fluttur frá Meðalnesi að Birnufelli, með því skilyrði, að hreppsnefndin annist um að til verði jafnan á hinum nýja þingstað hæfilegt hús til þinghaldanna.

58 **Brjef atvinnu- og samgöngumálaráðuneytisins til sýslu-**
23. sept. **mannsins í Þingeyjarsýslu, um valdsvið sýslunefndar.**

Með brjefi dags. 27. f. m. hafið þjer, herra sýslumaður, skýrt ráðuneytinu frá því, að sýslunefndin í Norður-Þingeyjarsýslu hafi á síðasta aðalfundi

sínum samþykkt með 4 atkvæðum gegn 2 svohljóðandi heimild til lántöku fyrir hreppsnefnd Presthólahrepps: „Sýslunefndin heimilar hreppsnefnd Presthólahrepps að taka alt að 2000 kr. lán til þess að taka þátt í uppgjöf skulda nokkurra fátækra manna við Kaupfjélag Norður-Þingeyjunga að $\frac{1}{3}$ gegn því að kaupfjélagið og deildirnar felli niður $\frac{2}{3}$ skuldanna“, en að þjer hafið samkvæmt rjetti þeim, sem 81. gr. sveitarstjórnarlaga nr. 43, 10. nóvember 1905, veitir þar til, mótmælt hinni samþykktu heimild og felt hana úr gildi, þareð þjer getið ekki talið heimilt samkvæmt gildandi lögum, að verja hreppsfje til þess að greiða með því verslunarskuldir einstaklinga við kaumenn eða kaupfjélög.

Ráðuneytið verður að vera yður öldungis samdóma um það, að hvorki í sveitarstjórnarlögunum nje annarsstaðar sje hreppsnefndum gefin heimild til þess að verja hreppsfje til þess að greiða með því verslunarskuldir einstakra manna eða taka vegna hreppssjóðs lán í því skyni, enda væru slíkar ráðstafanir alveg gagnstæðar tilgangi og ákvæðum fátækralaganna. Af þessu leiðir, að sýslunefndir geta ekki veitt heimild til slíkra ráðstafana. Sýslunefndin í Norður-Þingeyjarsýslu virðist þannig með því að samþykkja framangreinda lántökuheimild hafa farið fram yfir það, sem hún hefir vald til, og ber því að fella hina veittu lántökuheimild úr gildi.

Því úrskurðast:

Heimild sú, sem sýslunefndin í Norður-Þingeyjarsýslu á síðasta aðalfundi sínum veitti hreppsnefndinni í Presthólahreppi til þess að taka alt að 2000 kr. lán til þess að taka þátt í uppgjöf skulda nokkurra fátækra manna við Kaupfjélag Norður-Þingeyjunga, er hjer með úr gildi feld.

Þetta er yður, herra sýslumaður, hjermeð til vitundar gefið til leiðbeinngar og frekari birtingar.

Brjef atvinnu- og samgöngumálaráðuneytisins til sýslumannsins í Snæfellsness- og Hnappadalssýslu, um greiðslu sjúkrahúsvistar-kostnaðar samkv. lögum nr. 61, 27. júní 1921.

Borgarstjóri Reykjavíkur hefir skotið til ráðuneytisins úrskurði yðar, herra sýslumaður, dags. 18. f. m., sem ákveður, að Stykkishólshreppur skuli laus við að endurgreiða bæjarsjóði Reykjavíkur kr. 33.33, sem eru eftirstöðvar af spítalakostnaði og læknishjálp, að upphæð kr. 414.00, stúlkunnar Sigrúnar Steinþórsdóttur sveitlægrar í nefndum hreppi.

Hreppurinn hefir neitað endurgreiðslu á tjeðum kr. 33.33 af því, að

58
23. sept.

59
20. nóv.